



Uchakuxik le T'in uwi' Aq'ab'

Jun t'in uwi' q'ab'aj are ronojel ri usaqil tzij k'o pa Nimk'atz rumal taq le jastaq kab'an pa nimk'atz. Wa' ruk'a'am, chi'l nik'aj chi, kemptz'ijob'enem pa taq le kemk'at kech winaq, tz'ib'tzijonik, oqxa'n rech woktz'ib', ri tzukunem b'anom kanoq, taqoqxa'nib'al pa kematz'ib', loq'oj pa nimk'atz xuquje' juq'attzij rech k'olib'al. Le at'in uwi' q'ab'aj kkowinik:

- **Katk'oji' pa ri k'axk'olal rech katelaq'axik.** Le e loq'omab' kkowinik kkikoj le t'in uwi' aq'ab' chech ach'akik, wene' kkib'ij che at o kakelaq'aj le usaqil tzij awech.
- **Katk'oji' kan chi uwach ri ilawachinem, xuquje' chi kiwach taq wokaj rech q'atb'altzij chi'l nik'aj chi winaq kkib'an k'ax o ke'ilawachinik.** Wa' ruk'a'am reta'maxik jawi' at k'o wi, we le ak'olib'al tzijilik o we ktajin "katz'ib'aj awib'" pa taq le kemk'at kech winaq.
- **Katk'oji' pa jun jastaq rech ub'anik k'ax.** Le e laq'omab' kkikoj kit'in uwi kiq'ab' le winaq chech ub'anik k'ax chi kech xuquje' kekik'am loq pa taq chak k'ax ub'aniik. Le e k'olik chi'l taq ri e b'anal k'ax xuquje' kkowinik

kkikoj ri t'in uwi' kiq'ab' ri winaq chech ub'anik k'ax chi kech pa taq tzijone rech ub'ixik tzij o ub'anik jun nimalaj makaj rech etzelanik.

- **Kub'an k'ax chech le akaso rech inmigración.** Le kemb'i'aj rech kemk'at kech winaq, b'i'aj rech okib'al / k'utunsanelab' chi'l nik'aj chi t'in q'alajisanem chanim rajawaxik kajab'ux utzijol rumal jewa' kkib'ij ri inmigración, chi'l taq ri wiqkemchakub'al wene katzukuxik are taq karaj jun winaq kok loq pa EE.UU. o wene kaya pa chijnem pa uq'ab' le Wokaj rech Chajinem rech Tinamitalil. Le b'anoj pa nimk'atz kech we winaq ri' wene kekoj pa taq uchomaxik rij le q'atenem, utaqik b'i pa utinamit, usuk'maxik le ub'antajik, uk'olem, asilo chi'l nik'aj chik.

Le uchakuxik t'in uwi' q'ab'aj sib'alaj rajawaxik chech le chajinem, ukolik ib' xuquje' rech ri winaqil.

12 Na'oj chech Utz uchakuxik le T'in Uwi' Aq'ab' kab'ano

- 1. Uchajixik taq le awiqkemchakub'al xuquje' taq kemb'i'aj.** Qas chawila' che le awiqkemchakub'al utz ri retokib'al akojom chech, kojom kamul uk'amb'ejaxik chech. Le kamul uk'amb'ejaxik are kaya'tajik are taq kojom le keb' k'amb'ejanem chech, pacha' jun chi retokib'al kojom chech okem xuquje' jun etal kataq chi awech pa ach'aweb'al.

Man kakoj ta retb'alil le ak'olib'al pa taq le kemk'at kech winaq.

Man kajib'uj ta wachib'al che kuk'utunsaj jawi' atk'o wi, jawi' katel wi, katchakun wi o katb'e wi pa tijob'al, pacha' rajilab'alil achochib'al, ub'i' taq le b'e, k'utunsab'al, wachretal atz'iyaa, nik'aj chik.
- 2. Man kkomonej ta q'alajisanem xew awech at.** Man kajib'uj ta utzijol le ab'i' tz'aqat, awachochib'al, rajilab'alil ch'aweb'al o jun chi q'alajisanem xew awech at pa Nimk'atz, chi'l taq le kemk'at kech winaq.

Man kakoj ta retb'alil le ak'olib'al pa taq le kemk'at kech winaq.

Man kajib'uj ta wachib'al che kuk'utunsaj jawi' atk'o wi, jawi' katel wi, katchakun wi o katb'e wi pa tijob'al, pacha' rajilab'alil achochib'al, ub'i' taq le b'e, k'utunsab'al, wachretal atz'iyaa, nik'aj chik.
- 3. Chab'ana' che le akemb'i'aj xew awech at.** We k'o akemb'i'aj rech taq riqoj ib' kuk' winaq, qas chawila' che man kelesax ta utzijol. Amaq'el, utz katb'e pa le akemb'i'aj, k'a teri' pa Suk'manem o Echeb'alil, xuquje' qas chawila' che ach'om "tukelal".
- 4. Uchupik taq kemb'i'aj rech ojer tzij.** We man kakoj ta chi jun kemb'i'aj, chachupu'. Xa k'u jewa', kachup le k'olib'al pa le sutz' o le kemb'i'aj pa apachike wiqkemchakub'al rech ojer tzij k'o na awuk' xa k'ut man amaq'el taj kakojo.
- 5. Chachupu' le utener'xik ak'olib'al.** Chech uchupik le utener'xik k'olib'al pa jun wiqkemchakub'al, jat pa suk'manem rech le wiqkemchakub'al, che amaq'el kariqitaj ta "Echeb'alil", "Chajinem" o "K'olib'al". Chla', kachup taq le pataninem rech k'olib'al chech relesaxik pa taq le kojkemchak xuquje' taq le pataninem che man keta'm ta le ak'olib'al.
- 6. Chaq'ata awib' chech le kapaqab'a'.** Man qas ta k'i juq'attzij kaya pa nimk'atz.

Utz rilik chab'ana le kapaqab'a, rumal che wene jalan wi ukojik kab'anik o wene katuya pa k'axk'olal o kab'an k'ax chi awech. K'amb'al no'j, ujab'uxik utzijol jun wachib'al ktajin katij tzam, ruk' ruk'a'xik jun q'aa', nik'aj chik.
- 7. Man kak'am ta tzonoj kech winaq che man aweta'm taj.** Qas chawila' che xew kak'am tzonoj kech winaq ri qas aweta'm kiwach. Apachinaq kkowinik karowaj rib' chi rij jun cholk'aslemal, chi'l taq ri e laq'omab', kek'amow b'i winaq xuquje' winaq ri kkaj katkilawachij.

Chachupu' taq achi'l chi upam taq le akemb'i'aj we man aweta'm ta uwach pa winaqil.

- 8. Chachupu taq chakub'al rech rowaxik rij xuquje' taq kojchemchak rech ch'aweb'al xuquje' nik'aj chi wiqkemchakub'al.** We katb'e pa jun chik tinamit, le ajchakib' rech le Wokaj rech Chajinem chi Tinamitalil kekowinik kakiq'atuj taq le wiqkemchakub'al pa taq le okib'al rech le tinamit pa EE. UU. Chachupu ronojel taq le woktz'ib', wachib'al, kojchemchak xuquje' nik'aj chi chakub'al che wene jalan wi ilom.

- 9. Utz atzizonem kab'an kuk' ri winaq.** Chakojo taq kojchemchak rech tzizonem che kuya chajinem chi awech, pacha' WhatsApp, Signal chi'l Telegram.

Ub'ixikil: Pine' qas utz uchajixik b'anom, chi'l taq le pataninem rech oqxa'n k'o uchajinem wene katob'an chech okem ruk' le t'in uwi' aq'ab' rumal taq le ukojik juq'attzij pa le k'olib'al, pacha' jachin ruk' kattzizon wij xuquje' janipa', xuquje' pacha' le upam chak okomonem pacha' silob'wachib'al, wachib'al xuquje' q'alajisanem rech le cholk'aslemal. Utz rilik chab'ana jachin ruk' kattzizon wi.

- 10. Utz rilik chab'a jachike wokk'olib'al web' kasolij.** Man kapitz' ta pa taq t'iqb'al che man are ta ri awajch'ab'e'n ketaqow loq awuk' che man aweta'm ta kiwach xuquje' man kapitz' ta pa wokk'olib'al web' man kaq'a'i' ta ak'u'x chi rij, rumal che wene kuya kemchikopil chi upam ri awiqkemchakub'al rech

katilawachixik.

Chaya xew usaqil tzij rajawaxik xuquje' qas utz rilik kab'an taq le wokk'olib'al web' o kojchemchak che kkita nik'aj chi usaqil tzij chi awech.

Amaq'el chachupu taq le cookies xuquje' le caché rech le anik'onel. Amaq'el, utz kab'ano wa' are taq katb'e pa Suk'manem rech le anik'onel, k'ate ri' pa le Suk'manem rech Echeb'alil, k'ate ri' chatzukuj "uchupik juq'attzij rech nik'onel" o jun ucha'ik kajunamatajik.

- 11. Chakojo jun ch'aweb'al xa k'o uq'ijol o utz kak'aq b'ik.** We ch'aweb'al ri' amaq'el rech prepago xuquje' e maj pa jun k'amuq'ab' chak, are k'u wa' kab'anowik che man k'ax ta ukojik chech jun winaq man eta'matal ta ub'i'. Xa k'ut, we kakoj jun ch'aweb'al xa k'o uq'ijol, qas chawila' che le e winaq kkaj ketzizon awuk' (ajchak kuk' winaq, tob'anel, nik'aj chik.) qas k'o kuk' ri rajilab'alil ach'aweb'al k'ak'arisam. Jujun mul, le e winaq kakicha'o kkikoj keb' ch'aweb'al: jun ch'aweb'al xa k'o uq'ijol rech ri jastaq kub'an pa nimk'atz xuquje' jun chi ch'aweb'al rech junelik ukojik chech taq tzizonem sib'alaj rajawaxik kuk' ri winaq qas kaq'a'i' uk'u'x chi rij.

- 12. Chakojo Ch'uqb'al rech taq le Esab'al wachib'al.** Chakojo ch'uqb'al uwach taq le esab'al wachib'al pa taq ch'aweb'al xuquje' kematz'ib' chech uq'atik uwach are taq kkoj le esab'al wachib'al. Wa' kuq'at uwach okem chi upam le echeb'alil.